

**Gwasanaeth Cynllunio a Gwarchod y Cyhoedd
Planning and Public Protection Service
Uwch Reolwr/Senior Manager – Gareth Jones**

Gofynnwch am/Ask for: Gareth Jones

☎(01766) 771000

📠(01286) 673

✉@gwynedd.llyw.cymru

Ein Cyf / Our Ref:

Eich Cyf / Your Ref:

20 Hydref 2017

Annwyl Syr / Fadam,

Parthed: Arwyddion ‘Ar osod’ ym Mangor

Cysylltwm â chi ar ran Cyngor Dinas Bangor, Prifysgol Bangor, Undeb y Myfyrwyr a Chyngor Gwynedd yn dilyn derbyn cwynion am y nifer sylweddol o arwyddion ‘Ar osod’ sydd i’w gweld mewn ardaloedd o fewn Dinas Bangor. Mae’r pryderon hyn wedi cael eu lleisio gan yr Aelod Cynulliad, Aelodau Lleol Cyngor Gwynedd, Cyngor Dinas Bangor, y Brifysgol (gan gynnwys Undeb y Myfyrwyr, Student Pad a BUSG) a’r Heddlu.

Mae’r pryderon yn ymwneud gyda’r effaith weledol negyddol ddifrifol ar yr holl ardaloedd a hefyd yr effaith negyddol mae hyn yn ei gael ar ddelwedd y Ddinas a’r Brifysgol fel lle i fyw, gweithio ac astudio. Tynnaf eich sylw at luniau sydd wedi ei hatodi a’i chymryd yn ddiweddar, sydd yn dangos rhai o’r strydoedd yn y Ddinas lle mae’r broblem ar ei waethaf. Yn ogystal â’r pryderon yn ymwneud a’r effaith negyddol weledol, lleisiwyd pryderon hefyd y gall hyn arwain at gynnydd posibl mewn troseddau a chael effaith ar ddiogelwch preswylwyr y tai yn ogystal â diogelwch yr eiddo ei hun.

Y rheoliadau perthnasol ar gyfer arwyddion o fath yw’r Rheoliadau Cynllunio Gwlad a Thref (Rheoli Hysbysebion) 1992 (fel y’i diwygiwyd) a’r rhan berthnasol ar gyfer arwyddion o’r fath yw Dosbarth 3 o Atodlen 3 ac atodaf gopi er eich hwylustod. Noder fod mwyafrif helaeth y cwmnïau sydd yn hysbysebu tai ar osod, yn datgan eu bod yn gosod yr arwyddion yn unol gyda’r Rheoliadau Cynllunio Gwlad a Thref a hoffwn eich atgoffa o’r angen i chi fod yn gwneud hyn. Hoffwn hefyd eich atgoffa ei bod yn drosedd i arddangos arwyddion yn groes i ofynion y Rheoliadau uchod, ac y gall tystiolaeth o fod yn torri’r rheoliadau arwain tuag at erlyniad yn y Llys Ynadon.

Efallai eich bod yn ymwybodol bod trefi Prifysgol eraill yng Nghymru a Lloegr wedi cymryd camau ffurfiol drwy’r drefn gynllunio er mwyn rheoli’r nifer a’r math o arwyddion ‘Ar osod’, a hynny am yr union resymau a’r pryderon sydd wedi eu hamlinellu yn y llythyr hwn. Byddai mabwysiadu trefniadau tebyg, sydd yn llawer mwy llym na’r hawliau sy’n bodoli gennych yn bresennol, yn gallu bod yn opsiwn i’r Cyngor, oni bai fod cydweithrediad parod gan yr asiantau sydd yn hysbysebu ym Mangor i gael trafodaethau er mwyn cytuno ar ddatrysiad sydd yn dderbyniol i bawb. Mae’r opsiwn ffurfiol ar gael i’r Cyngor i reoli sefyllfa o’r fath drwy ddiddymu’r hawliau i arddangos arwyddion heb fod angen cais cynllunio ffurfiol, ond mae hefyd modd sefydlu ‘Cod Gwirfoddol’.

Swyddfa’r Cyngor
Ffordd y Cob
Pwllheli
Gwynedd, LL53 5AA
01766 771000

www.gwynedd.llyw.cymru

I'r perwyl hyn, hoffwn drefnu cyfarfod gyda chi er mwyn ceisio deall pam fod hyn wedi dod yn broblem gynyddol yn ddiweddar. Hoffwn hefyd drafod yr opsiynau sy'n bosibl ac yn ymarferol ar gyfer gallu ymateb i'r pryderon uchod, boed hynny drwy sefydlu trefniadau ffurfiol neu drwy sefydlu 'Cod Gwirfoddol' ar gyfer arddangos arwyddion 'Ar osod'.

Gwerthfawrogwn felly pe baech yn gallu ymateb mewn 14 diwrnod o ddyddiad y llythyr hwn i gadarnhau dyddiad ac amser addas ar gyfer trefnu cyfarfod, drwy gysylltu gyda cynllunio@gwynedd.llyw.cymru

Edrychaf ymlaen at allu trafod y mater ymhellach gyda chi, er mwyn gallu gwella edrychiad a delwedd y Ddinas yn ogystal ag osgoi cynnydd posibl mewn troseddu, ac effaith hynny ar ddiogelwch myfyrwyr a phreswylwyr.

Yn gywir,



Gareth Jones
Uwch Reolwyr Gwasanaeth Cynllunio a Gwarchod Cyhoedd (Cyngor Gwynedd)
Ar ran Cyngor Dinas Bangor, Prifysgol Bangor, Undeb y Myfyrwyr a Chyngor Gwynedd